



შპს „საზღვაო სასწავლო საწვრთნელი ცენტრი ეკვატორი“
„Maritime Teaching Training Centre Equator“, LTD

დამტკიცებულია კოლეჯის დირექტორის

2022 წლის 7 ნოემბრის N 04 ბრძანებით

პრაქტიკის ობიექტთან თანამშრომლობის წესი
ნდ 2-03-10

ბათუმი

2022 წელი



1. შპს საზღვაო სასწავლო საწვრთნელ ცენტრ ეკვატორში“ (შემდგომში - „კოლეჯი“) პრაქტიკის ობიექტთან თანამშრომლობის წესი (შემდგომში - „წესი“) შემუშავებულია „პროფესიული განათლების შესახებ“ საქართველოს კანონის, „პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის სამუშაოზე დაფუძნებული სწავლების ფორმით განხორციელების წესისა და პირობების დამტკიცების შესახებ“ საქართველოს მთავრობის 2022 წლის 9 აგვისტოს N416 დადგენილების, კოლეჯის წესდებისა და სხვა საკანონმდებლო და კანონქვემდებარე ნორმატიული აქტების შესაბამისად.

2. პრაქტიკის ობიექტს წარმოადგენს მეწარმე სუბიექტი/იურიდიული პირი, ან საქართველოს კანონმდებლობით დადგენილი წესის შესაბამისად მიკრო/მცირე ბიზნესის სტატუსის/ფიქსირებული გადასახადის გადამხდელის სტატუსის მქონე პირი, რომელთანაც გაფორმებულია დოკუმენტი კოოპერაციული სწავლების მიზნით თანამშრომლობის შესახებ.

3. პრაქტიკის ობიექტის შერჩევისას დაწესებულებასთან ერთად პროგრამის კოოპერაციული სწავლების სახით განხორციელების მიზნით, პრაქტიკის ობიექტი უნდა აკმაყოფილებდეს შემდეგ კრიტერიუმებს:

ა) აცნობიერებდეს პროგრამის განხორციელების პროცესში ჩართულობის მნიშვნელობას და საკუთარ, როგორც საგანმანათლებლო მომსახურების მიმწოდებლის პასუხისმგებლობას და ჰქონდეს პროგრამის განხორციელებაში ჩართვის მოტივაცია;

ბ) მისი ადამიანური და მატერიალური რესურსი შესაბამისობაში უნდა იყოს პროგრამის მოთხოვნებსა და სწავლის შედეგებთან;

გ) საქართველოს კანონმდებლობის შესაბამისად ლიცენზიას/ნებართვას ან სხვა სპეციალურ რეგულირებას დაქვემდებარებული საქმიანობის განხორციელების შემთხვევაში, მოპოვებული ჰქონდეს ლიცენზია/ნებართვა ან სპეციალური რეგულირებით გათვალისწინებული სხვა უფლებამოსილება.

4. ამ წესის მე-3 პუნქტის „ა“ ქვეპუნქტით განსაზღვრულ კრიტერიუმებთან შესაბამისობის დადგენასა და მონიტორინგს უზრუნველყოფს კოლეჯის მიერ პრაქტიკის ხელმძღვანელი.

5. პრაქტიკის ობიექტის შერჩევაზე ფორმდება მემორანდუმი/ხელშეკრულება, რომელიც მოიცავს ამ წესის მე-3 პუნქტის „ა“ ქვეპუნქტით განსაზღვრული კრიტერიუმის დაკმაყოფილების პირობებს.

6. იმის დასადასტურებლად, რომ პრაქტიკის ობიექტი აკმაყოფილებს მოთხოვნილ კრიტერიუმებს, გამოიყენება მასთან შეხვედრის ფორმატი, რომელზეც პარტნიორს მიეწოდება ინფორმაცია საკუთარი პასუხისმგებლობის შესახებ პროგრამის განხორციელების პროცესში, ასევე მასთან გასაფორმებელი ხელშეკრულების დეტალები, მათ შორის მისაღწევი სწავლის შედეგების კონტექსტში.

7. ამ წესის მე-3 პუნქტის „ა“ ქვეპუნქტით განსაზღვრულ კრიტერიუმთან პრაქტიკის ობიექტის შესაბამისობა დასტურდება მათთან გაფორმებული ხელშეკრულებით.

8. ამ წესის მე-3 პუნქტის „ა“ ქვეპუნქტით განსაზღვრულ კრიტერიუმთან შესაბამისობის მონიტორინგი (ანუ ხელშეკრულების პირობების სათანადოდ შესრულება) ხორციელდება სტუდენტთა შეფასებების და



კმაყოფილების კვლევის შედეგების ანალიზის, ასევე პრაქტიკის კომპონენტის განხორციელებაზე პასუხისმგებელი პირის უკუკავშირის საფუძველზე.

9. ამ წესის მე-3 მუხუნქტის „ბ“ ქვეპუნქტით განსაზღვრულ კრიტერიუმებთან შესაბამისობის დადგენა ხორციელდება პრაქტიკის ობიექტზე ვიზიტის გზით, რომლის დროსაც ხდება ობიექტის ინფრასტრუქტურის დათვალიერება და პროგრამის განხორციელებაში ჩართულ პერსონალთან შეხვედრა მისაღწევი სწავლის შედეგების კონტექსტში, რაც დასტურდება გამართული შეხვედრის ამსახველი მტკიცებულებებით (ვებგვერდზე ან სოცსელში განთავსებული ინფორმაცია, ფოტომასალა, პრეზენტაცია და სხვა) ან/და გაფორმებული ხელშეკრულებით.

10. ამ წესის მე-3 მუხუნქტის „გ“ ქვეპუნქტით განსაზღვრულ კრიტერიუმებთან შესაბამისობის დადგენის მიზნით კოლეჯი უზრუნველყოფს შესაბამისი ლიცენზიის/ნებართვის ან სპეციალური რეგულირებით გათვალისწინებული სხვა უფლებამოსილების დამადასტურებელი დოკუმენტის გამოთხოვას პრაქტიკის ობიექტისგან.

11. გაფორმებული ხელშეკრულება უნდა ითვალისწინებდეს პრაქტიკის ობიექტის ვალდებულებას ლიცენზიის/ნებართვის ან სპეციალური რეგულირებით გათვალისწინებული სხვა უფლებამოსილების შეჩერების ან ჩამორთმევის თაობაზე კოლეჯის ინფორმირების შესახებ გონივრულ ვადებში.

12. თანამშრომლობის შეთანხმების შესახებ ინფორმაციის რეესტრში განთავსებაზე პასუხისმგებელია რეესტრის წარმოებაზე პასუხისმგებელი პირი შეთანხმების გაფორმებიდან 5 დღის ვადაში.

13. პრ. ობიექტთან გაფორმებული თანამშრომლობის დოკუმენტი უნდა მოიცავდეს აუცილებელ რეკვიზიტებს:

- ა) პრაქტიკის ობიექტისა და დაწესებულების საიდენტიფიკაციო მონაცემებს;
- ბ) პროგრამის სახელწოდებას, რომლის ფარგლებშიც ხორციელდება თანამშრომლობა;
- გ) პრაქტიკის ობიექტისა და პროგრამის განხორციელების ადგილის მისამართებს;
- დ) პრაქტიკის ობიექტზე მისაღწევი, პროგრამით გათვალისწინებული სწავლის შედეგების ჩამონათვალს;
- ე) პრაქტიკის ობიექტის მიერ ერთდოულად მისაღები პროფესიული სტუდენტების რაოდენობას;
- ვ) პრაქტიკის ობიექტის ვალდებულებებს პროფესიული სტუდენტის პრაქტიკის ობიექტზე სწავლის/სამუშაოს შესრულების პერიოდში შრომის უსაფრთხოების წესების დაცვის უზრუნველყოფისა და უსაფრთხო სამუშაო გარემოს შექმნის შესახებ;

ზ) ხელშეკრულების ვადას, რომელიც არ უნდა იყოს პროგრამის ხანგრძლივობაზე ნაკლები და ხელშეკრულების შეწყვეტის პირობებს;

თ) პრაქტიკის ობიექტის/დაწესებულების სხვა უფლებებს, ვალდებულებებს, პასუხისმგებლობებსა და საქართველოს კანონმდებლობით განსაზღვრულ სხვა საკითხებს.

14. ეს წესი არ ვრცელდება 2022 წლის 9 აგვისტომდე გაფორმებულ თანამშრომლობის დოკუმენტებზე.